

Na osnovu člana 15. stav 2. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na ___ sjednici održanoj _____ 2016. godine, donijelo je

PRAVILNIK

O IZMJENI PRAVILNIKA O MJERAMA ZA OTKRIVANJE, SUZBIJANJE I ISKORJENJIVANJE KLASIČNE SVINJSKE KUGE

Član 1.

U Pravilniku o mjerama za otkrivanje, suzbijanje i iskorjenjivanje klasične svinjske kuge ("Službeni glasnik BiH", br. 38/10, 51/11, 06/12, 4/13 i 90/14) u članu 27. stav (2), riječi: "1. januara 2016. godine" zamjenju se riječima: "1. januara 2017. godine".

Član 2.

Ovaj Pravilnik stupa na snagu danom donošenja i objavljuje se u „Službenom glasniku BiH“.

VM broj _____/16
_____ 2016. godine
Sarajevo

Predsjedavajući
Vijeća ministara BiH

Denis Zvizdić, s.r.

O B R A Z L O Ž E N J E

ZA DONOŠENJE PRAVILNIKA O IZMJENI PRAVILNIKA O MJERAMA ZA OTKRIVANJE, SUZBIJANJE I ISKORJENJIVANJE KLASIČNE SVINJSKE KUGE

I – Zakonski osnov

Zakonski osnov za donošenje ovog Pravilnika sadržan je u članu 15. stav 2. Zakona o veterinarstvu u Bosni i Hercegovini, gdje je jasno propisano da način određivanja zaraženog i ugroženog područja i detaljne mjere za utvrđivanje načina prevencije, sprječavanje širenja i suzbijanja zarazne bolesti, uslov za prestanak važenja mjera ustanovljenih radi kontrole zarazne bolesti, kao i način obavještanja i informisanja o tome, propisuje Vijeće ministara, na prijedlog Ureda za veterinarstvo Bosne i Hercegovine.

Zakonski temelj sadržan je i u članu 17. Zakona o Vijeću ministara Bosne i Hercegovine, koji propisuje da Vijeće ministara BiH, u vršenju svojih prava i dužnosti donosi podzakonske akte, uključujući i pravilnike.

II – Razlozi za donošenje

Bez obzira na prethodno prolongiranje primjene stava (2) člana 27. Pravilnika o mjerama za otkrivanje, suzbijanje i iskorjenjivanje klasične svinjske kuge („Službeni glasnik BiH,“ br.: 38/10, 51/11, 06/12, 4/13 i 90/14) još uvijek nisu stečeni svi uslovi za implementaciju spomenutih odredbi i prestanak primjene vakcinisanja svinja protiv klasične svinjske kuge. Stoga je pripremljen novi prijedlog izmjene Pravilnika o mjerama za otkrivanje, suzbijanje i iskorjenjivanje klasične svinjske kuge.

Naime, prerani prestanak implementacije vakcinisanja svinja mogao bi dovesti do ozbiljnih ekonomskih posljedica i širenja ove zarazne bolesti, zbog čega donošenje ove izmjene smatramo neophodnom.

III - Financijska sredstva

Za implementaciju ovog pravilnika nisu potrebna dodatna financijska sredstva iz budžeta institucija BiH.